

# Oz ei il Di mundial dil cudisch



# 2023

# AUREL

# Il Di mundial dil cudisch

«Ei era inaga ina classa cun 20 affons. Ils 23 d'avrel ei stau per els in di tut special. Els han durmiu tochen miezdi e pér la sera han els pachetau el turnister ina marena, in sac da durmir, ina cazzola da maun ed in cudisch. Cun quella carga ein els i en biblioteca. Leu han els legiu tutta notg – e quels che savevan aunc buca leger sezs, han tedlau co ils auters han prelegiu, tochen ch'els ein sedurmentai. Forsa han els semiau dallas historias ch'els han legiu ed udiu.» Durmir en biblioteca ni en scola e tedlar e leger l'entira notg – quei fan ins propi tscheu e leu il Di mundial dil cudisch.

Igl onn 1995 ha l'UNESCO – l'organiziun che vul cunzun che tut ils

carstgauns sappien ir a scola ed emprender – inventau il Di mundial dil cudisch. Cudischs gidan d'emprender lungatgs ed els raquantan a nus era historias dad auters loghens. Dapli ch'ins sa ed empren dad auters e meins dispeta ed uiara ch'ei dat. Perquei ha l'UNESCO declarau ils 23 d'avrel sco Di mundial dil cudisch. Daco gest ils 23 d'avrel? Quei ha da far cun ina tradiziun dalla Catalugna, nua ch'ins festivescha quella data il di dil num da sogn Gieri. Quei di schenghegia la gliעד rosas e cudischs ina a l'autra.

Has ti in cudisch preferiu?

Va puspei inaga en biblioteca.

Bratta in cudisch cun in'amatga.

Daco legian ins cudischs?


Tgei cudischs (romontschs) has ti?

Tgei cudisch schenghegiasses ti ad in'amatga ni ad in amatg?

Miras ti bugen cudischs da maletgs?

# Brutus sco segnapagina

- 1 Colurescha la figura.
- 2 Taglia ora la fuorma e faulda per liung dalla lingua cun strehs.
- 3 Cola ensemen il segnapagina.




colours

cola

forsch

# Lupo sco segnapagina

- 1 Colurescha la figura.
- 2 Taglia ora la fuorma e faulda per liung dalla lingua cun strehs.
- 3 Cola ensemen il segnapagina.



colurs

cola

forsch

Schweizerische Eidgenossenschaft  
Confédération suisse  
Confederazione Svizzera  
Confederaziun svizra



text: Chartrina Josty, illustraziun: Yvonne Gièni,  
grafica: Theres Jäger  
© Lia Rumantscha

KIDSFITSCH  
Lia Rumantscha

Uffiz federal da cultura UFC